

永豐縣志卷之三

地理志

山

獻山在縣北十五里森列五峯勢甚險峻世傳浮邱王郭三仙常過此後人立觀祀之時有雷電汛掃祈禱輒應上有凌空閣寓仙館注生堂文昌祠明崇禎間擴注生堂爲長春殿

陽山在縣西北二十里許世傳葛仙煉丹於此上有集靈觀丹井亭仙翁祠絕頂有丹爐藥臼之蹟

龍華山在縣南五里晉蜀人龍日華避秦修煉於此得道又東漢桓帝時上苑白鹿遺落人間常見山麓帝遣使

永豐縣志

卷之三

山川

一

者持節求之不知所在後人就其地建白鹿觀今爲洪都觀

按此云晉蜀人龍日華避秦初疑是司馬晉時蜀地人避苻秦或姚秦比鄰之侵擾耳說猶可通特文句欠晰耳而後仙釋門又以龍日華爲戰國時人則避秦二字無疑然何以曰晉蜀人耶戰國時晉已亡矣且晉非一統之國何可曰晉蜀人也或晉乃昔字之訛耶 又此所載白鹿與仙釋門龍日華條所載歧異今俱從原文傳凝

舊志

西華山在縣西五里形如覆鐘頂有浮邱王郭三仙殿歲旱禱雨輒應

獅山在縣南四十里舊名董坑以其形似狻猊故易名上有獅山寺

郭山在縣東五十里控樂安新淦二縣界崎嶇棧道行七八里劃然曠夷有良田百畝郭山寺在焉

龜陂山在縣東北七十里控宜黃樂安界其形若龜邑人恒避盜於此

里山在縣東北五十里幽險邃僻中多溪澗界連新淦樂安峽江諸邑

雞籠山在縣東北四十里四面田疇此山獨蹲其中宛若棲雞之籠故名

按雞籠山在文獻里上游舉人鄒旻崇有文獻十景

### 永豐縣志

#### 卷之三

山川

二

詩其曰玉華撐天者指此

舊志

香爐山在縣東四十里以形似名

金華山有二一在縣東南百里一在縣東南百六十里均有古庵

五勝山在縣東南百里五峯連聳上有石龜其罅有水流入莫知所出

按五勝山莫知所指查永豐鄉距城一百里之遙有觀嶺高數里許上有五峯或指此耶

舊志

鳳凰山在縣東南百四十里山下有瀧岡宋歐陽觀及鄭夫人墓在焉左爲歐陽故居右爲文忠公前室胥楊二夫人墓

沙山一名杉山在縣東南百五十里舊有福興廟文天祥父嘗謁山乞靈題詩於壁有紅日麗天掀霧幕白雲歸洞見山屏之句

石門山在縣東南百六十里有大石相對如門上有田廬中有院曰龍山院

蜈蚣山在縣東南二百七十里高萬餘仞抵興國界橫亘起伏狀如蜈蚣故名

神山龍池山在縣東南二百里嶙峋峭拔亘連不絕已上府志

東麓山在縣東九都

金華山在縣北三十里山勢巒岷其巔舊有庵庵外有亭土人以其似香案因以香爐稱

### 永豐縣志

#### 卷之三

山川

三

白雲山在縣東南百里山頂泉流石臺時有雲氣蒼鬱上有古庵卽名白雲庵

北華山在縣東南百一十里上有古庵今圯里人猶歲時祈年於此

唐家山俗呼南嶺在縣東南百一十里脉自中華山來至此則昂藏橫峙形如巨象山嘴斜迤迴抱宛類象鼻

中華山在縣東南百二十里上有古廟里人祈夢多應驗石門山在縣東南百二十里高峯插天矯若應龍昂首故昔人稱曰高龍與樂安縣連界

南華山在縣東南百二十五里雙峯並峙高大如一中間平衍數百步宛似巨闕

冕山在縣東南百四十里羅文毅所謂太極南山羅絡奇詭此峯尊嚴若端冕垂旒者

凌雲山在縣東南百七十里高數百丈蜿蜒數十里左右石峯高插雲漢曰文武將軍柱飛鳥莫度下有龍湫其深叵測涓滴有聲曰衙鼓峒投鐵觸之風雨立至里人往往求雨於此相傳上有漢高帝祖墳故建高帝廟於山麓

按凌雲山在永豐甯都之界通志載入甯都而土人皆指爲漢高帝祖墳處明甯都董文僖越有詩辨其訛或疑爲南漢劉氏之祖然龔之先世屬上蔡人與此地亦懸絕也舊志載入永豐以近屬永豐地云

新  
增

## 永豐縣志

### 卷之三

山川

四

羊石山在縣東南百四十里與沙山東西相峙其山尢峻上有清泉四時不涸可療眼病又有三小峯蜿蜒秀異不生雜卉惟產菁茅東北下山一二里許迴旋七小峯聯絡如七星狀因名七星岡

南華山在縣東南百四十里瀧岡之左上有石形如掌其指宛然世稱爲仙人掌

福華山在縣東南百四十里瀧岡之右中有古庵

三華山在縣東南二百四十里東界甯都高聳千仞世傳浮邱主郭三仙顯跡於此

仙人下棋山在縣東南二百二十里相傳有二仙對弈於此故名

青華山在縣東南二百二十里上有大石嵯峨下有江水  
旋折中建有廟

雙峯山在縣東南二百三十里兩峯並聳上有真君廟  
蓮華山在縣東南二百八十里北界與國狀如蓮花上有  
浮邱王郭三仙廟

萬龍山在縣東南二百六十里相傳浮邱王郭三仙題跡  
於此里人建廟祀之

青氣山在縣東南二百六十里箬溪上有真武廟

寶峯山在縣東南二百六十里上有真君閣下有古潭

金山在縣東南二百二十里奇峯翠嶺中有三石穴相傳  
曾出油鹽米穴傍有石秀峭晶瑩宛如玉筍

### 永豐縣志

#### 卷之三

山川

五

壽華山在縣東南百七十里上固其峯峻絕上有茂林修

竹下臨碧水深潭中建有庵已上舊志

西華山在縣東南九十里林木叢茂上建有古庵

紗帽山在縣東南二百里以形名山有二石洞洞時有風

當暑尤狂飈騰吼

西臺山一名芙蓉嶂在縣東南二百里上有古廟禱雨輒應

龍踞山在縣東南二百里與西臺紗帽三山並峙山有石  
仙能興雲雨故以龍名

彰福山在縣東南二百里山勢峭拔上有石仙最靈驗

南華山在縣東南二百里山頂有廟雷神常顯跡

白雲山在縣東南百三十里自羊石山發脈起伏綿亘聳

然壁立山頂常有雲氣環繞昔人於此建寺

靈臺山在縣東南百三十里瀧岡左綿亘數里許山上多產美材

石人山在縣東南百四十里舊建許真君廟離廟十數武倚石壁爲庵有修靜者得道其形化石上宛然

萬靈山在縣東南百四十里石壁峭立上有古寺叢林蒼蔚寺門瞰江水

雲蓋山在縣東南二百二十里脈自蓮花山來奇峯特起常有雲氣往來與明德書院對峙

桂華山在縣東南二百五十里東界甯都西界興國與三華山並峙里人建三仙廟其上

### 永豐縣志

#### 卷之三

山川

六

龍山在縣東南二百二十五里連山迤邐至此突起一峯

有石仙似飛來者

已上新增

螺螄嶺在縣西三里世傳有仙人經遊其處下有二塘名仙蟾龍窟

烏石嶺折陂嶺並在縣東北十五里兩山連峙雨後增奇聖嶺在縣南二十里上有土城嶺巔有龍井深廣數丈前有峻峯名仙人臺禱雨輒應

酆嶺

又名九峯嶺

在縣西三十里蜿蜒起伏爲十八圯下有酆

將軍廟□□人改建蘭上菴

白芙嶺

又名白霧嶺

在縣西四十里抵吉水界三峯連聳傍有

觀音慈光二寺中有石室

王嶺在縣西三十里上有靈泉寺相傳五代時彭玕屯兵於此土城尙存

禪和嶺在縣北五十里高聳千仞相傳司馬頭陀嘗遊此舊有三層院今廢

大盤嶺在縣東北七十里東界樂安縣明宣德間賊徒曾子良據山嘯聚江西彭僉事督官兵捕勦之

白嶺青嶺猴嶺北嶺黃竹嶺隩障嶺釣嶺仙鵝石並在縣東北四十五里

龍堂嶺一名龍潭嶺在縣東南七十里寨宋建炎間居民多避盜於此

石空嶺在縣東南百里形如覆斗中空闊可容二三百人

## 永豐縣志

### 卷之三

山川

七

壁間有佛像若生成者

盤嶺鷹嘴嶺鐵籠山羊角山火燒山並在縣東南百里五山相連各以形名循此諸山南往數里折而東是爲南山嶺皆通吉水縣要隘

相見嶺有二一在縣東南百一十四里山勢毗連五六十里行人往來過此相見故名一在縣東南二百五十里兩山對峙相見故名

遙嶺一作瑤嶺回龍嶺並在縣東南百三十五里山勢修阻

塢嶺雙嶺並在縣東南百四十五里兩山對聳層疊如塢丫髻嶺在縣東南百五十里絕頂兩峯並聳相對若丫髻

故名

大竹篙嶺在縣東南百五十六里高十五里橫亘數十里  
東南爲甯都州界路通福建汀州登巔而望三四百里  
內山川皆在目前其高爲合邑諸山之最山有風洞洞  
口狂飈騰吼書夜不息山頂有窩闊丈許深數尺人立  
窩弦上大風落帽掀衣身搖搖欲仆至窩內則寂然靜  
謐微颺亦無人咸異之山腰有龍潭禱雨者以犬血滴  
入潭中輒興雲霧 國朝康熙間鄉勇曾振坤等屯扼  
此嶺以距滇逆將韓大任大任卒屛敗  
九曲嶺在縣東南百四十里上有九峯灣環九曲峯下名  
虎形唐太子人保張廷傑墓在焉

打鼓嶺在興國界世傳宋建炎間兩縣於此擊鼓集眾控

## 永豐縣志

### 卷之三

山川

八

#### 制盜賊故名

木坑嶺饅頭嶺張弩嶺並在縣東南二百里山勢峻絕

高齊嶺慵嶺

一名慵隔

並在縣東南二百八十里高聳奇峭行

旅甚艱諺云高齊慵隔去天三尺

石榴嶺在縣東南二百里抵甯都界每歲春月山花噴火  
故名

獅子嶺在縣南三十里上有巨石如獅故名舊傳有神僧  
結茅其上後凌雲而去

高公嶺雞公嶺寶山並在縣南三十里

已上府志

大旒嶺在縣東南八十里羅文毅所謂太桎北山也近有  
小旒嶺山勢毗連橫亘十里許



黃姑嶺巨臘嶺並在縣東南百一十五里二山相連皆氣勢雄磊如二巨人駢立昂首雲霄者然

規坑嶺在縣東南百一十五里峯巔常有雲靄氣爲永豐樂安兩縣之界山

老港嶺在縣東南百三十里懸磴數千級下臨巨澗波聲

震盪過此而東爲樂安縣境

已上舊志

韓破嶺在縣東南百五十里形似削成三脊拔地聳立數千丈高插雲漢望之若劍戟然

百工嶺在縣東南百二十里爲石丁之鎮遊人登峯遠眺太極山川瞭如指掌

盧峯嶺在縣東南百六十里山勢高峻而狹隘與盧穆峯

### 永豐縣志

#### 卷之三

山川

九

相近

小竹篙嶺在縣東南百七十五里矗立天表與大竹篙嶺並峙

鷓子嶺在縣東南二百六十里孤峯聳峙羣山環繞如附翼然

黃竹嶺在縣東南二百一十里山勢雄峻舊多黃竹故名

已上新增

范蕭峯在縣西三十里秀峙層霄蒼翠可愛

一峯

舊名飛孟峯

在縣東南八十五里孤秀特立明羅倫取以

自號有詩并敘

舊志復見古蹟門存此刪彼

石峯在縣東南百一十里層山山腰有石洞甚奇 國朝

道光間吉安知府鹿澤長訪中書郭儀霄同登此峯題曰鍾秀有記

雙箭峯在縣東南百四十里瀧岡中有羊石嶺猿藤嶺兩峯並峙宛如雙箭故名

鐵鶴峯在縣東南二百里與金牛洞相對山勢峭拔陟巔

高望萬山在目已上府志

舉峯在縣東南八十五里羅文毅所謂太極西山高望金鼇翠屏萬仞一碧橫空者

按梅坑澗及西山村右畔一帶山皆飛輦之支脉土人呼爲須彌峯蓋聲近而譌舊志

金鼇峯在縣東南百里羅文毅所謂太極東山高踞雲漢

### 永豐縣志

#### 卷之三

山川

十

若巨鼇橫海者

仙掌峯在縣東南百里土山戴石峯巔五石屏排立中者高前後迤頭皆斜銳側視如五指駢豎一名筆架山

烏牛峯在縣東南百里山皆烏石其狀如牛旁有同華山三尖峯在縣東南二百三十里三山並峙上有石仙里人

常謁山乞靈

小天都峯一名青瑤筍在縣東南百一十里連山迤邐起伏至

此條聳一峯屹立千仞形如玉筍已上舊志

卓筆峯一名雞籠尖在縣東南百六十里尖秀聳拔狀若懸鍼

獅子峯在縣東南二百六十里山勢峻險昂藏如獅有俯視一切之狀居民建廟其上

螺星峯在縣東南二百里讀書坑形如螺螄夜吐星光故名已上新增

標岡在縣北十五里上有仙姑山

迴龍岡在縣東南二百里空坑宋文天祥起兵戰敗過此有墜石卻兵之異俱見府志

按丞豐舊志有奉太后過空坑之文查天祥起兵勤王無奉太后事當沿南宋初隆祐太后過吉州事而訛今考明更正府志

龍岡有二一在縣南三十里一在縣東南一百八十里

瀧岡在縣東南百四十里一名歐里卽歐陽修故居中有西陽宮左有道德講堂右有勅賜文儒讀書堂前有瀧

### 永豐縣志

#### 卷之三

山川

十一

岡阡碑亭後有鄭太夫人荻樓

龍塘岡在縣東南二百五十里嶺下塘世傳岡側塘中有巨鯉化龍而去冲裂成澤至今岡上猶有羅漢樹在焉高丈餘大數十圍枝葉葱蘢飛鳥莫入狀如羅漢聳出

林表已上舊志

教授巖在縣東南八十里宋武岡教授羅開禮幽棲處里人重其死節故以官名巖明羅倫有詩并敍舊志復見古蹟存此

彼刪

光霽巖在縣東南百里別號翠元洞天洞高明圓廣巖中石如雕鏤丹房繡壁奇形異狀東南巖壑此爲最勝

大仙巖在縣東南百二十里婁原與豬肝巖銅錢巖相通

巖中石壁上有三人形俗呼三仙嵌空穿漏有光中有隴畝錯布俗云仙田又有江流不識起止投以石礮然砲碎如雷石氣雲乳晶瑩如玉相傳別有二巖黝黑窟深執炬難入吳生誤墜其中三日乃出吳其故處問之惟見江洲花草夜聞蕩激之聲已上府志

蝙蝠巖在縣東北十二都香巖寺踞其側巖下有谷谷中有二洞右洞由磴道入石椅石榻在焉左洞門稍高可梯而登內窈而深徑竇紆迴直通獻山夜至巖下則山寺鐘聲自洞中出與香巖寺鐘聲相應巖上有小水土人疏其流以灌左右之田巖中蝙蝠以萬計大者如笠醫家採夜明沙者多入焉

永豐縣志

卷之三

山川

十二

浴月巖在縣東南百一十里水從山腳石竇中出灌田數千畝水竇甚多內一竇頗廣爲巖口聞南兒童於暑天結伴籠火入儼中見沙洲長廣數十丈瑩然潔淨水皆漫流窪下處石壁傍有潭深窈不可測水色碧綠黛瀆膏渟如不流者然舊傳有神物居其中 國朝嘉慶間有人垂釣巖口見一魚噏水張口呀然廣幾二尺許怖駭而走

闊口巖在浴月巖之北相距百步中有江流莫測其源過石壁下匯爲潭前流通浴月巖巖中石乳甚奇巖口見雲起卽雨其旁爲籬口巖中亦有流水

福德巖在縣東南百一十里巖口只容一人窳褻透迤時

見巨人足跡長二三尺出巖口北行二里許又有芭蕉巖

扇和巖在縣東南百一十三里中有石柱石鼓又有石壁撞之聲如鐘便東南行一里許有龍巖巖口甚窄入其中履石板聲鞞鞞蓋石底下空或言其下有水側耳聽之竟不聞水聲

仙女巖在縣東南百二十里巖廣一畝許相傳有樵者見美女獨坐其中辟纊怪問之忽不見因以得名土人訛稱爲仙英巖

半雲巖在縣東南百二十五里石穴玲瓏宛如房宇爲修靜者幽棲處

### 永豐縣志

#### 卷之三

山川

十三

觀音巖有二一在縣東南百三十里潭頭倚巖建觀音閣故名一在縣東南二百七十里千僧寺上有石室內有觀音殿外有眞君堂前有溪水旋繞後有石井清泉四時不涸觀者稱奇已上舊志

獅子巖在縣東南百九十里石形如獅頭尾宛然右有石窟闊丈餘深不可測口圓如鏡其中鏗然有聲俗呼沙鑼水新增

金牛洞在縣東南二百一十里境幽人寂中有書院明修撰羅倫與張邦俊偕隱處府志

桃花洞在縣東北三十五里禪和山後北界峽江樓梯坑境甚幽寂卉木叢茂春時則落英繽紛頗似武陵風景

仙華洞在縣東南百一十里石穴玲瓏可容坐息其上有古木盤結

石倉在縣東南百一十里中空如螺上有石牀紋縐蹙如龍鱗俗名龍林

獅子石在縣東南一百五里平原突起一小山形如獅子山頂有大石名五星石

穿風垵在縣東南百三十里狀如馬鞍山高風急雖盛夏登此猶思挾纊

十八~~坪~~有二距縣東南皆百三十里山逕紆曲比羊腸九折坂數復過之已上舊志

四十九腦在縣東南百三十里峯巒轉側形勢不一新增

### 永豐縣志

#### 卷之三

山川

十四

按山川志不得著議論考山海經及太平寰宇記廣輿記莫不皆然舊志紀山每於末處用贊辭概從刪汰間有連類而載入寺觀者皆逸其修建人名以別有寺觀門也 又縣南隸遷鶯鄉地距吉水縣界數十里惟永明二鄉居邑東南隅計長三百餘里凡諸山之在縣南至百里而遙者皆改作東南爲是

新增

川

恩江舊名瀕水在縣治南百餘步其源自樂安招攜里折入流坑過邑河湖西南繞城達文江由漢孝子歐寶救虎得名縣舊爲報恩鎮水曰報恩江

附考董氏志米隆祐太后避難播遷至邑治問恩人

董御史家左右曰此水自其家來命取金盃飲水以報其瑤華祕獄之恩是夜后夢敦逸朝服謝恩由是得名事詳古蹟並錄於此

舊志

白水瀧江在縣東北十五里水出層峯間傾瀉瀑布十餘丈下流爲潭深不可測

瑤埠水自縣東北十都發源合麻江入恩江

永甯水自縣西陽山發源達恩江

白水在縣西三十里自帶源歷九峯有瀑布泉下匯爲潭麻江在縣東自興平鄉發源南流入恩江

南壩水在興平鄉自大盤嶺發源北流至蘇家渡入恩江永豐鄉水自縣東南冕山發源北流經禪峯籠頭出柏郊

永豐縣志

卷之三

山川

十五

合恩江

龍門江在縣東南自冕山發源由石馬市至層山司出柏郊合恩江

明德鄉水自竹篙嶺發源西北流沙溪過瀟瀧出廬陵張家渡入贛河

孤江在縣東南百八十里自興國界發源至表湖司達瀟瀧入贛河

葛溪在縣治西北自陽山發源合流爲雙江遶城西達恩江以葛仙丹泉所出故名

黃竹溪在縣北自白水瀧岡發源過前溪遶縣左達恩江儲溪在縣東南百六十里自甯都發源至沙溪合瀟瀧

上巳

蘆東溪在縣東南百三十里其水春夏不盈秋冬不涸聲如琴筑飛瀑濺珠纍纍然舊志

英潭在水南恩江下流匯而為潭潭有石山山巔有水府廟

三姑潭在縣南慵嶺北方廣七丈自暗潭發源暗潭在縣南高霄嶺北闊五十丈灌田千畝

龍潭凡三一在縣東南百五十里即瀧江一在縣南七十里龍堂嶺下一在永豐鄉峻嶺下闊百餘丈可禱雨

石鼓潭在明德鄉內有石鼓擊之則雨石虎潭在明德鄉有石巉巖如虎踞狀

永豐縣志

卷之三

山川

十六

曰竹潭在明德鄉方廣五丈有奇流合河湖水已上府志

長潭在永豐鄉長廣五里許清澈可鑑舊志

灣潭在縣東南二百二十里其潭石底中一窟約三四丈深下則懸厓陡壁濺若飛瀑新增

黃溪礫水在縣東南百六十里自塢嶺發源至層山出柏郊

百二十礫水地有百二十峯在永豐鄉自甯都界發源至層山出柏郊

葉家礫水自明德鄉龍嶺發源北流入孤江百丈礫水自縣東南高霄嶺發源北流至表湖出瀟瀧達

贛河已上府志



仙井在縣治西隱居寺前司馬頭陀遊寺以錫杖拄之泉遂湧出

聖井在縣南二十里聖嶺峯上

山井在縣西南水味甘美

丹井在縣東相傳曾湧波濤四五日風雨衝壞田廬遠望見白物騰出狀如牛尾長數尺

沙井在永豐鄉藤田市宋楊仙經過以杖拄之水湧出味甘如醴因以名院已上府志

按安志謝志載仙井原文並同惟永豐縣志仙井沙井分載而楊仙事互異今按仙井在縣治西隱居寺寺志亦載在西坊沙井則載在縣南永豐鄉藤田市

### 永豐縣志

#### 卷之三

山川

十七

卽醴泉院是二井一在坊一在鄉顯分二地至司馬頭陀楊仙師以杖拄泉二事本相類皆釋家彼此附會不能得其確鑿也姑仍縣志並見府志跋語

三榷井在縣東南二百里河中一井周圍丈餘瀕洞無底

昔有漁八悞入旋折如三榷然其水沁人心骨巖上廟

祀許眞君新增

鯉魚洲在龍蟠洲下每歲三月江水泛溢鯉魚多游泳於此故名

龍洲在四都自白水瀧江發源至洲分流一里許復合  
太平洲在遷鶯鄉下流廣百餘丈可耕種又名白鷗洲已上

府志

龍蟠洲在恩江中流形似金陵廬邑白鷺洲水光接漢木  
氣蔽雲爲一邑名勝之區明嘉靖壬子建閣其上題歷  
朝進士名扁曰羣英

按龍蟠洲及源頭隄舊志皆引用堪輿家言不合志  
體概從刪汰新增

麻洲在縣治南恩江橋上游四水環繞綿亘里許居民耕  
種其間宛然江天圖畫

馬蹄洲在六都廣五六里許水流繞洲南達恩江  
老虎洲在七都榛莽叢密昔嘗有虎匿其中故名  
河湖在興平鄉東南五十里

拍掌泉在縣東南八十三里人立泉畔拍掌泉卽隨聲噴

### 永豐縣志

#### 卷之三

山川

十八

吐如珠

三峽在縣東南六十里羅文毅所謂太極水口山也第一  
龍堂峽第二龍湫峽第三下瀧峽土人統呼爲梁坊峽  
員籃峽在縣東南百一十五里峽勢宛轉迴環下有江流  
酷似梁坊峽峽中有雷打寨巔另奇峭對面崖壁中間  
有巖圓如月形石壁陡立無從攀躋已上舊志

珠窟水在縣東南百三十里南坑溪水至此伏流石竇中  
淙淙有聲至西溪見而復隱至院前泉流漢出達於唐  
家峽直注姜華鎮新增

按恩江及龍門江水舊志訛甯都發源永明二鄉水  
訛興國發源今皆考明更正附志於此新增